

calamitates eum civem referret, cuius interitus felicitati publicae adiudicetur.

§ 105. Vos quo obtestorque, iudices, ut in sententiis ferundis, quod sentietis, id audeatis.

Desiturus orator ibi finem posuit, ubi maxime 5 necessarium videbatur, ne iudices in pronuntiando Pompeium timerent, quem praesentem intuerentur.

PRO MILONE EXPL.
INCIPIT PRO SESTIO.

P. Sextius amicissimus erat Ciceronis ... in collegio tribunorum pl., qui fuerunt P. Lentulo Spinthere Quinto Metello Nepote cos. Obstinate igitur et ipse se dediderat in consensum partis eius, qui dignitatem suam M. Tullio restituere gestiebant. Sed enim P. Clodio repugnante et conspiratam seditiose multitudinem congregante, ne quis istis 15 ad revocandum Ciceronem daretur effectus, ad dimicationem usque processum est, ut P. Sestius gravissime et paene letaliter volneratus necessario cogeretur etiam ipse armatorum manum gladiatoriam, quod Milo iam fecerat, adhibere, praesidii scilicet gratia; sic enim potuit effici, ut 20 actionem, quam pro Tullio instituerat, optineret. Postquam tamen Cicero ab exilio rediit, accusare de vi P. Clodius Sextium coepit inmisso velut principe delationis P. Albinovano et testimonium dicente P. Vatinio, ut hoc praecipue criminis daret, quod supergressus civilem modum 25 rogationem suam non aequitate persuaserit, sed armis optimuerit. Cui opponetur huiusmodi a Cicerone defensio